



24 September 2013
24 September 2013
P.U. (A) 294

WARTA KERAJAAN PERSEKUTUAN

FEDERAL GOVERNMENT GAZETTE

PERINTAH CUKAI PENDAPATAN (PENGECCUALIAN) (NO. 13) 2013

INCOME TAX (EXEMPTION) (NO. 13) ORDER 2013



DISIARKAN OLEH/
PUBLISHED BY
JABATAN PEGUAM NEGARA/
ATTORNEY GENERAL'S CHAMBERS

AKTA CUKAI PENDAPATAN 1967

PERINTAH CUKAI PENDAPATAN (PENGECUALIAN) (NO. 13) 2013

PADA menjalankan kuasa yang diberikan oleh perenggan 127(3)(b) Akta Cukai Pendapatan 1967 [*Akta 53*], Menteri membuat perintah yang berikut:

Nama dan permulaan kuat kuasa

1. (1) Perintah ini bolehlah dinamakan **Perintah Cukai Pendapatan (Pengecualian) (No. 13) 2013**.

(2) Perintah ini berkuat kuasa mulai tahun taksiran 2013 dan tahun-tahun taksiran yang berikutnya.

Tafsiran

2. Dalam Perintah ini—

“dapatan penyelidikan dan kemajuan” ertinya dapatan penyelidikan dan kemajuan bagi aktiviti atau keluaran bukan berasaskan sumber yang disenaraikan dalam Jadual dan dimiliki sepenuhnya oleh suatu institusi penyelidikan awam atau institusi pengajian tinggi awam di Malaysia;

“dilakukan” mempunyai erti yang sama yang diberikan kepadanya dalam subseksyen 33(1) dan dalam perenggan 46 dan 55 Jadual 3 Akta;

“pelaburan” ertinya suatu pelaburan dalam bentuk wang tunai dalam suatu syarikat yang layak yang syarikat yang layak itu tidak mempunyai tanggungan untuk membayar balik, atau pegangan modal syer berbayar dalam bentuk tunai berkenaan dengan syer biasa dalam suatu syarikat yang layak;

“pengkomersialan” ertinya suatu proses transformasi dapatan penyelidikan dan kemajuan kepada suatu produk atau proses yang mempunyai aplikasi perindustrian atau yang boleh dipasarkan;

“syarikat pelabur” ertinya suatu syarikat yang diperbadankan di bawah Akta Syarikat 1965 [*Akta 125*]—

- (a) yang membuat pelaburan bagi maksud projek pengkomersialan dalam suatu syarikat yang layak;
- (b) yang secara langsung memiliki sekurang-kurangnya tujuh puluh (70) peratus modal syer berbayar berkenaan dengan syer biasa dalam suatu syarikat yang layak;

“syarikat yang layak” ertinya suatu syarikat yang diperbadankan di bawah Akta Syarikat 1965—

- (a) yang sekurang-kurangnya tujuh puluh (70) peratus modal syer berbayar berkenaan dengan syer biasanya dimiliki secara langsung oleh suatu syarikat pelabur yang membuat pelaburan dalam syarikat yang layak bagi maksud projek pengkomersialan; dan
- (b) yang menjalankan projek pengkomersialan.

Pengecualian

3. (1) Tertakluk kepada subperenggan (2), Menteri mengecualikan suatu syarikat yang layak yang bermastautin di Malaysia daripada pembayaran cukai pendapatan berkenaan dengan pendapatan berkanun yang diperoleh daripada suatu perniagaan yang berhubung dengan pelaksanaan suatu projek pengkomersialan bagi tempoh sepuluh tahun taksiran berturut-turut (tahun taksiran yang dikecualikan).

(2) Pengecualian cukai ke atas pendapatan berkanun yang diperoleh daripada suatu perniagaan berhubung dengan pelaksanaan suatu projek pengkomersialan yang disebut dalam subperenggan (1) adalah tertakluk kepada apa-apa syarat sebagaimana yang dinyatakan oleh Menteri dalam surat kelulusan bagi projek pengkomersialan itu.

(3) Permulaan tahun taksiran yang dikecualikan hendaklah ditentukan oleh Menteri atau Menteri Perdagangan Antarabangsa dan Industri, mengikut mana-mana yang berkenaan.

(4) Pendapatan faedah yang diperoleh oleh syarikat yang layak daripada pendepositan lebihan pelaburan yang diterima daripada syarikat pelabur dalam mana-mana bank atau institusi kewangan sementara sebelum digunakan bagi projek pengkomersialan hendaklah dianggap sebagai pendapatan di bawah perenggan 4(c) Akta.

(5) Pendapatan berkanun perniagaan yang disebut dalam subperenggan (1) dalam tempoh asas bagi setiap tahun taksiran yang dikecualikan hendaklah ditentukan selepas memotong elaun yang tergolong boleh diberikan di bawah Jadual 3 Akta walaupun tiada tuntutan bagi elaun itu dibuat.

(6) Jika suatu aset digunakan bagi maksud perniagaan itu digunakan juga bagi maksud suatu perniagaan selain perniagaan itu, maka elaun yang tergolong boleh diberikan di bawah Jadual 3 Akta hendaklah dipotong sebagaimana yang munasabah dengan mengambil kira setakat yang aset itu digunakan bagi maksud perniagaan yang berhubung dengan pelaksanaan suatu projek pengkomersialan.

(7) Tiada apa-apa dalam subperenggan (1) akan melepaskan atau dianggap melepaskan syarikat yang layak daripada mematuhi apa-apa keperluan untuk mengemukakan apa-apa penyata atau penyata akaun atau mengemukakan apa-apa maklumat lain di bawah Akta.

Layanan cukai bagi syarikat yang layak yang mengalami kerugian

4. (1) Jika suatu syarikat yang layak didapati mempunyai kerugian larasan di bawah subseksyen 44(2) Akta bagi tempoh asas bagi suatu tahun taksiran semasa mana-mana tahun taksiran yang dikecualikan berkenaan dengan sumber perniagaan berhubung dengan pelaksanaan suatu projek pengkomersialan, maka kerugian larasan itu tidaklah boleh diambil kira daripada sumber yang terdiri daripada perniagaan itu

atau perniagaan selain perniagaan berhubung dengan pelaksanaan suatu projek pengkomersialan.

(2) Jika suatu syarikat yang layak didapati mempunyai kerugian di bawah subseksyen 43(2) Akta bagi tempoh asas bagi suatu tahun taksiran semasa mana-mana tahun taksiran yang dikecualikan berkenaan dengan sumber perniagaan yang terdiri daripada perniagaan berhubung dengan pelaksanaan suatu projek pengkomersialan, amaun kerugian larasan itu tidaklah boleh diambil kira daripada sumber yang terdiri daripada perniagaan itu atau perniagaan selain perniagaan berhubung dengan pelaksanaan suatu projek pengkomersialan.

(3) Apa-apa baki kerugian larasan yang ditentukan menurut subseksyen 43(2) dan 44(2) Akta berkenaan dengan sumber perniagaan yang terdiri daripada perniagaan berhubung dengan pelaksanaan suatu projek pengkomersialan tidaklah boleh diambil kira bagi maksud Akta ini dalam tahun atau tahun-tahun taksiran yang berikutnya selepas tahun taksiran yang dikecualikan, mengikut mana-mana yang berkenaan.

Pemakaian potongan bagi penggalakan eksport di bawah Akta Penggalakan Pelaburan 1986

5. Bagi maksud mengira pendapatan larasan daripada perniagaan atau projek yang disebut dalam subperenggan 3(1), suatu perbelanjaan yang dibenarkan sebagai suatu potongan semasa tahun taksiran yang dikecualikan di bawah seksyen 41 Akta Penggalakan Pelaburan 1986 [*Akta 327*] hendaklah dikumpul dan amaun agregat perbelanjaan itu hendaklah dibenarkan sebagai potongan dalam tempoh asas bagi tahun taksiran pertama selepas tahun taksiran yang dikecualikan.

Pemakaian potongan bagi penyelidikan di bawah seksyen 34A Akta

6. (1) Bagi maksud mengira pendapatan larasan daripada perniagaan atau projek yang disebut dalam subperenggan 3(1), suatu perbelanjaan yang dibenarkan sebagai suatu potongan semasa tahun taksiran yang dikecualikan bagi penyelidikan di bawah seksyen 34A Akta hendaklah dikumpul dan amaun agregat perbelanjaan itu